

凡北嶽真君北嶽恒山官用之

乾 坤 雲 飛

雙 鮮 巖 碧 翠 真 元

黃帝玉契

凡中嶽真君中嶽嵩山官用之

雲 阿 前 鏡

王 王 王 元



右二十四玉契各只用天篆以栢板長五

寸闊二寸四分朱書奉玉皇誥或歸真日

佩而用之即得通歸本處無有拘遏者若

遇發上件官府文檄亦可用可以輕薄紙

片用雲母為粉八辰砂拍上帝訣書之取

東南炁吹從中間剪為兩片以左片貼公

丈上之首更不必用印以右片燒作夾用
東南方香水調服無不達矣

上清靈寶大法卷之七

正一天師清微弟子 洪百堅 製作
道教學術資訊網站

上清靈寶大法卷之八

贊八

洞微高士開光教者具人壽金具投

上清三洞弟子靈寶頓教明師玉契具集

齋戒禁忌門

師曰修奉大法依諸天吉日淨齋則天帝

書名九玄七祖俱登南宮一身清吉長生

不死功滿成真慶及宗門所向如願鬼神

稽首萬真朝身

三元

正月十五日 七月十五日 十月十五日

三會

正月初七日 七月初七日 地府度

十月初五日 水府度 生大會

已上三元三會皆普度考校之辰

五臘

正月初一日 天臘 五月初五日 地臘

七月初七日 道臘 十月初一日 民歲臘

十二月內 通臘日為王侯臘乃納音玉基用

凡臘日按天尊所說父母恩重經此日宜

齋戒祭祀先七祖考誦經行道拔度亡者

名為孝子餘日祭祀非緣淫祀亦亡者不祭所祀不獲其福

小三會日
庚申尸神白人過 甲子太乙簡問神秋
本命日 百神朝身計人功行

八節日

立春 春分 立夏 夏至 立秋 秋分
立冬 冬至

已上日八方天眞朝集校量罪福功過於上元八景宮中按真誥云此日皆當淨齋謀善以營於道之方內秋分日不謝過也。不可以其日忿爭喜怒及行威刑皆天人之大忌也

節會日

甲午 天節會 甲申 地節會 甲辰 四時節會
甲子 人節會 甲戌 五行節會 丙午 天會
壬午 地會 庚午 日會 庚申 月會
辛酉 星辰會 丁卯 仙真會 三日 斗辰會
本生日 本命神會

已上節會宜醮祭作福誦經即真降福應

也

五卯日

乙卯 丁卯 己卯 辛卯 癸卯

凡卯日受齋入室東向心拜存神養炁期感神明亦通意而陳常行則玉女降符

十方天尊天君下降日

初一日 九炁天君降 初八日 南方天君降
十四日 西方天君降 十五日 北方天君降
十八日 東北天君降 二十三日 東南天君降
二十四日 西南天君降 二十八日 西北天君降
二十九日 上方天君降 三十日 下方天君降
小月退二十七日 諸真下降日
初一日 西北方北斗降 初八日 北斗月無君降
十四日 東北方太乙使者降 十五日 三官降
十八日 東南方太一降 二十三日 南方太一八神使者降
二十四日 西南方 二十八日 西方太一降
二十九日 下方中 三十日 上方太一降
已上出業報因緣經凡此日宜祭祀真靈

四始日

正月初一日 四月初一日 七月初一日
十月初一日

旦望日

初一日 十五日

或十四十六日合朝修

太上大道君登玉霄琳房日

正月初四日 二月初八日 三月十五日
四月初八日 五月初九日 六月初六日
七月初七日 八月初八日 九月初九日
十月十五日 十一月初三日 十二月十二日

已上日乃太上大道君登玉霄琳房四盼天下有志節遠遊志者至其日平旦日出時北向拜拜亦可於靖中自陳本願了咽液三十六過又云東海青童君常以丁卯日登方諸東華臺四望以此日向日出時行之可因此以服日精

避忌日

三月初九日 六月初二日 九月初六日
十二月初三日

已上日當入室不可見女人六尸亂則藏

血搜潰飛越三神失守神燭氣逆積以致死所以忌此日非但逼塞淫泆而已將以安女宮女宮在申男宮在寅寅申相刑刑殺相如是日男女三尸出於目朱腫之中女尸招男男尸招女禍害往來喪神汗正雖人不自覺而形露矣損由三尸戰于眼中流血于泥丸也子至其日雖至寵愛之女親愛之令婦固不可相對我先師但修此道而仙矣復不至親無心者此乃仙人劉媪妻女仙也口授之訣

月忌日
 正月初二日 又庚申
 二月初九日 又辛酉
 三月初十日 又甲戌
 四月初一日 又癸亥
 五月十一日 又壬子
 六月初十日 又癸丑
 七月十二日 又甲寅
 八月初二日 又乙卯
 九月十三日 又甲辰
 十月初八日 又丁巳
 十一月十五日 又丙午
 十二月十三日 又丁未
云乙未一

已上忌燒香每日常行者不拘

帝煞日 已小字注在前

聖忌日

丙寅丁卯 道父忌

丙申壬戌 北帝忌

絕日 本命絕日

六害 本命對日

已上日不宜行道燒香

受死日

正月 戌

五月 子

九月 寅

龍虎日

正月 巳

五月 未

九月 酉

月將選時

天罡 太乙 勝光 小吉 傳送 從魁

河魁 登明 神后 大吉 功曹 太衝

已上陽日起大吉順行陰日起小吉逆行

皆以本日支遁起

空亡日

甲巳日 中酉

乙庚日 午未

丙辛日 辰巳

丁壬日 寅卯

戊癸日 子丑戌亥

天門開閉時

陽日陰時開陽時閉

陰日陽時開陰時閉

已上時上章奏選開時用

按古科齋直之日禁忌之條散諸經誥不可備述但切於修用略出而已設醮祈恩

登壇啓事上章拜表首過謝愆皆可以其

日行事若無請禱因此檢制行爲去非寡

過亦請修之一助也有如不可親之事不

當食之物昏神亂炁濁穢身形豈可不屏

斥也若躬行於道德之域心宅於沖靜之

鄉夢寐不忘造次毋失當此之際無時非

齋又何日分拘耶倘身之不修行之不檢

借胃法籙違越禁忌則三官考罰五帝糾

愆九祖同罪一身受考非道不慈戒之

四等持齋

一曰心齋謹守天戒心意同符內外合儀無
思無慾無慮無恐儵然坐忘德同真人道合
仙格二曰常齋絕辛去厭斷葷戒慾三曰清
淨齋斷五穀絕人事居山川飲元氣持戒律
忘塵根散胞胎交友四曰長齋乃是持已
上之三齋或一月兩月一年二年二十年是
也以至始於立意終於飛昇亦是也

忌食五辛

生葱 韭 大蒜 小蒜 葫荽

按玄都定罪律太極科曰五辛食之念誦
條戒內為第一罪謂修持誦觸犯神靈
忤穢真炁獲毒蛇穿心獄報大緊以此等
物辛臭烈甚食之經日尚臭出口對語於
人尚且厭之而況朝真行事乎此外凡蔬
藟似葱之類皆勿食也

忌食三厭

鴈天厭 犬地厭 鯉鱔鼈水厭

科曰三厭食之永無仙冀外有鱔鼈之類
皆腥穢之氣難退並不宜食又六畜肉禽
畜胎卵不可食之食則傷生伐命尤忌猪

犬不惟破犯齋戒科禁使人雖功德足備
天門阻遏不令進驛章不達上玄惟道士
病患食乳脯獐鹿鴉魚脯而已病安得
不食亦佳矣

局報禁忌

師曰夫大法旨要有三局四報七禁五忌
學士無犯則可造玄門之闔域矣

三局

一曰行呪者上天之密語也群真萬靈隨呪
呼召隨炁下降也二曰行符者上天之合契
也群真攝召下降也三曰行法者主其司局
仙曹自有群真百靈各効其職不假符呪呼
之而來遣之去也

四報

一曰智報智慧日生 二曰神報神靈通達 三曰意報意志
凡四曰仙報致於仙報

七禁

一曰禁口夫口不罵詈作穢言則呪法通靈
也二曰禁目夫目不覩穢行則目可視真靈
三曰禁耳夫耳不聽淫聲則耳能聽八聰四

曰禁手夫手不親穢物則訣目可通神五曰
禁足夫足不履穢惡則躡豎可飛昇六曰禁
意夫意不起穢識則可以招致真靈七曰禁
思夫思不起雜亂則存思致神明

五忌

一忌抱嬰乳小兒使法力不行二忌無事姪
娥好事多成魔三忌凶悻怒神真只遠去四
忌心不普功德無仙簿五忌不敬信則邪混
於正

戒律禁忌

師曰凡修齋朝真皆當依式平時常檢飭
躬行已養成德性然後可以上通誠惘淪
惑自戾殃及七玄慎之

无上十戒

一曰執心平等不得自欺二曰忌事君師孝
敬天地父母三曰慈仁及物貧儉節身四曰
清淨端直不得阿黨五曰敬遵上法深信修
身六曰敬重鬼神不得輕侮七曰凡所衣食
皆是元始祖炁不生外想八曰灰水蕩穢不
用修飾九曰口誦心拜毋使形勞十曰七日

大定神光湛然見玉清境

十二大戒

第一善德不殺心生意想口言假手勸助教
誘殺戮一切衆生皆謂之殺第二善德不害
陰謀內諧詭賊外施窳陷網籠酷毒非法損
害衆生皆謂之害第三善德不嫉懷怨用機
乘勢說非願彼遭惡設方取物嫉害衆生皆
謂之嫉第四善德不妬暗使私情願望勝已
色想欲擬陷害力去未能恨恨衆生皆謂之
妬第五善德不姪非色非財不正真意六親
通私姪犯骨肉不以私交私心意慕不論妍
姪皆謂之姪第六善德不盜穿窬墻壁移竅
折函開封擊鎖改換印章私心隱匿貸借不
還欺昧侵竊皆謂之盜第七善德不貪意無
限情量度闊狹觀於萬物皆於尼有無足無
厭更實其情不量分定求而無厭皆謂之貪
第八善德不欲心猿欺耍意馬駭馳六根盤
運使作七情慕生於愛擬定慾心皆謂之欲
第九善德不憎偏見執著香臭淨汙妄想分
別高下貴賤不為一等皆謂之憎第十善德

不拍情量疑慮過與不及心生狡佞邀阻不
遂皆謂之妬第十一善德言無華綺第十二
善德口無惡聲

見行大定之道宜在定中觀心無心乃是
真心觀形無形乃是真形心形既忘自入
無形之道乃是白日上昇之法

九真妙戒
一者敬讓孝養父母二者克勤忠於君主三
者不殺慈教衆生四者不姪正身處物五者
不盜推義損已六者不嗔凶怒凌人七者不
詐詭賊害善八者不驕傲忽至真九者不
奉戒專一

凡欲專敬上法濟生度死摧伏凶魔統制
百靈須受如上諸戒當先歸身歸命無上
三寶不得信從邪師影響幻惑妖妄外道
魔鬼教法事類巫者

歸依三寶
第一歸依无上帝寶第二歸依无上經寶第
三歸依无上師寶
如上諸戒皆金口所宣授受無犯諸天稱

慶滅諸魔試克應飛仙若犯之地司飛奏
三官糾劾五帝書過小則折筭中則考校
生魂大則罰功墮事除壽滅祿退品仙階
若非故違尚許懺罪惟忌秋分謝了勿得
弄犯弄犯不原忽覺神意恍惚遍身沉熱
四肢壯悶昏塞不安急須首謝三頁不原
所當戒之

法門開度
經曰仙道貴生无量度人上開八門飛天法
輪罪福禁戒宿命因緣

罪門十八條

身則被殃 殃及九祖 長役鬼官
金鉞前戮 巨天後刑 屠割鬼爽
千千截首 萬萬剪形 墮地獄
禍及七祖 束首 自亡

束送

束送 斬識 束縛
束形 滅爽 喪眼

福門六十二條
聾病開聰 盲者目明 嗜者能言
積速起行 痼疾復形 髮白返黑

齒落更生 老壯少強 皆得生成

金玉露形 枯骨成人 全其本年

真人誦經 三條 三元十過 六條 本命八節 二條

二章 二條 三界 三條 齋戒 六條

中篇前 八條 中篇後 二十條

禁門

獨步玉京 不傳下世 有秘上天文

諸天共所崇 非世上常辭 告盟十天而付

上天所寶 秘於玄都 非世之常辭

四萬劫一傳 自然之章

戒門

異骨成親戒 三條 齋金寶效心 輕泄漏慢 四條

行道 一條

宿命門

一國以道 預有至心 世世昌熾

因緣門

宗奉禮敬皆得度世 供養尊禮

與善因緣

玄憲科格

師曰功過罪福大則增減年壽小則促延

齡算有三品九等皆太玄都天省禁文兆

宜遵奉

上等上格 除增三紀 上等中格 除增二紀

上等下格 除增一紀 中等上格 除增十年

中等中格 除增九年 中等下格 除增七年

下等上格 除增半紀 下等中格 除增五年

下等下格 除增三年 上等上格 除增二百

上等中格 減益一百 上等下格 減益百算

中等上格 減益九 中等中格 減益五

中等下格 減益四 下等上格 減益三

下等中格 減益二 下等下格 減益一

師曰凡小善小惡更有減益自十算已下

至一算者

太極玄能真人曰能造三品上等之功不

可冒上等上品之罪凡小善須令一日一

注凡小惡須令一日一消積小善成大功

消小惡成大善上等之功難造上品之罪

不原學士誦之則享丘山之福慢之則獲

萬劫之苦矣

玄憲上品上格

弑亂悖逆背叛烝謀

玄都律曰弑君弑父毒害師尊亂於天地

五常道德綱紀毆悖君師父母怒毀違背

師尊父母棄正入邪歸誠妖巫姪犯骨肉

六親通同陰謀殺害並刑名仙錄罰功毀

事上負九祖下及九玄中及一身永受風

刀之考萬劫不原後生禽獸之身非人之

報永無仙莫除壽三紀

上品中格

輕泄漏慢毀惡敗奪

玄都律曰輕忽君師父母三寶尊像靈文

又不依年限妄泄三寶三洞禁經秘奧法

籙符圖漏泄天地五行讖諱未然神真天

機密諱禍福不恭敬君師父母典禁靈文

毀壞三寶尊像君師父母常住一切之物

毆罵誅害弑戮道德五功六親之人敗毀

教業生不信心背奉面毀面奉背毀改其

節志奪劫奸巧攻取三寶聖典君師父母

七德之人物色衣具並刑名仙格罰功墮

事負累七祖九玄中及一身死入長夜三

塗苦報永於千劫不原後生蟲癩非人不相之形除壽二紀

上品下格

殺害姪盜

玄都律曰殺滅一切物命陷害一切生靈

淫色無度夫婦不以禮交偷盜一切萬物並削退仙品罰功墮事負於祖考子孫中及一身死沉地獄三赦不原見世招盲聾暗顛不疼之相折壽一紀

中品上格

破齋犯戒貪欲嫉妬憎妬

玄都律曰咱食五辛三厭飲酒過度故嗜六畜禽蟲之肉破齋私情茹珍葷穢入齋喜怒賞罰不節巧偽貪求無厭所欲紛紜無足妬於勝己憎其不及嫌害善人擬願沉惡恨恨始懷力不勝彼常操願心並退落仙品三等罰功墮事九年除壽六年退齋一年補過善功一百二十贖罪

中品中格

狡佞苟妄惡聲華綺穢汗呪罵

玄都律曰狡心百曲嫌疑多端苟欲施為奉上忽下佞於一時妄偽百條語言不實怒聲衝吼自尊自大背正信邪不明真假喜曲憎直細察求祈評論一切是非真假行住坐卧務於華綺性志不能返於朴素穢汗清淨五行葷穢姪語交集諸事呪罵

善怨天地風雨五行鬼神行諸惡呪並退落仙階二品罰功墮事五年折二百四十算退齋二百日補過善功九十贖罪

中品下格

竊詐欺昧意欲諸惡

玄都律曰暗中竊物負欠不還因借不償因便取匿拾遺巧智因公為私詐吉詐文取浮取實以偽作真幻妄鼓惑僑於天人欺心欺神暗中恣為內昧三光天地善人意思想欲為諸惡並退落仙階一品罰功墮事三年除算一百二十退齋百日補過善功五十贖罪

下品上格

玄都律曰賤毀五穀拋棄恩仁負盟負誓

前汗綃帛不信不義不仁不慈無推讓之心無拯救之念無的實之約無和睦之情並退仙格三品罰功墮事一年退齋七十日補過善功三十贖罪

下品中格

玄都律曰輕賤孤貧老幼不濟山林寒栖道士不修破壞未成功德不助善人因病衣食毀撤山林塚墓自安以勢逼脅危人不救斫伐生旺草木將有作無昧心罔人占卜天地星辰辰辰異侵近王侯勢力以智網羅生物奉上有乖撫下有缺香花自用崇修不專並退仙格二品罰功墮事半載退齋五十日補過善功二十贖罪

下品下格

玄都律曰妄言天司真靈之言假說自己德行希求恩福恐嚇世俗漏言行道取於人知移改簽絨印章符書窺人私事啓封擊鎖記錄小過踐踏按捺細微衆生罵辱卑賤醉酒叫呼寒餓備使許願不償毒害敗毀五行之物橫入是非飲食務精鞭考

六畜籠繫禽蟲香火不潔禮拜草創醮祭不潔章檄不謹敬尊失禮科章失儀並退落仙階一品罰功墮事九十日退齋一月補過善功一十贖罪

修真六忌

臨尸 吊喪 新產 刑殺所 屠坊

姪舍

已上處皆不可入李少君口訣云道士求仙不欲見死人尸損壞神炁之極人君師父親愛不得已而臨之所以道士去世不事王侯是無君也塊然獨處是無友也惟父母師主不得不臨喪致感極之哀不吝性命之傷苟以此故而傷是無傷也吾其秘之故口傳焉

太上視生隱朝元之道

以本命日向本命方叩齒三通心存再拜

呪曰

太一攝生三炁合真宣胎上景母玄父元生我五藏攝我精神下灌玉液上朝泥丸夕煉七魄朝和三魂右本玉華左嘯金晨

令我神仙役靈使神常保利貞飛行十天呪畢心拜四方叩齒三通咽液三過若常行令魂魄保守長生神仙矣

又法

學道之士當先檢制魂魄消滅尸鬼常以晦朔之日與申甲寅日清齋入室沐浴塵埃正席而坐得不眠者蓋善之真以朱筆點左目下以雄黃筆點右鼻下令小半入谷裏點時先叩齒三通念呪

呪曰

上景飛纏朱黃散煙炁攝靈邪尸穢沉泯和魂鍊魄合體大神令我不死萬壽永聰明徹視長亨利貞


呪畢又叩齒三通咽液三過以右手第二指鐮右鼻孔左手第二指鐮右目下各七遍盡陰按之勿舉手也如是畢況此二處乃七魄遊尸之門戶越精賊邪之津梁矣故受朱黃之精塞尸鬼之路引二景之薰遏淫亂之炁也此太極上法常行則魂魄和柔尸穢散絕長生神仙通炁徹視行之

三年色念泯矣此太靈真人法

淨穢法

凡履厥穢諸不淨處當浴解之故三清諸法及仙人下遊有鍊尸之素漿其法用信葉十兩桃枝削去白皮四兩內白淨清虛之物以清水一斛二斗煎一沸出適寒溫以浴形體即萬穢除蕩次療濕痺瘡痒之疾竹者中虛內白桃者却邪折穢所以消形中之滓濁也天人下游未嘗不用此法至於世間符水呪漱升合之近術皆莫比此方也若淡者益佳但不用此水以沐耳真奇妙也

紫微王夫人授解穢符



右符又曰攝穢符以梓木簡如朝謁簡樣但放微小耳刻符於上常護淨之遇食葷履穢或急切行持不暇洗浴當先用茅香

煎湯七合漱口了點七點於左右手心內將兩手拭目念呪

呪曰

積穢隨水行盡從神聽出急急如律令

次於聖前焚香叩齒四十九通執簡以攝

穢符向身對口躬身呵炁符一呪曰

穢氣出正氣入正氣存穢氣去三十六厭三十六穢神符攝盡絳宮寧一朗清神戶

呪畢放簡便回身拍斗訣步斗至罡上吸

炁一口別訣以次符言此備急之法若登

壇朝奏事體稍重又當從科沐浴也

解生產穢法

大抵道士自處琳宮一切生產自合回避

俗士修真惟生子義不容遠合終月後方

可解穢入靖悉如前法此外並合避忌違

者考罰

臨喪式假

凡行持之士身遭大喪及父母度師並具

申三天門下移文將吏閉靖不可焚修如

遇事急切不及勒狀則關將吏功曹土地

騰塔上玄大喪三年二十七箇月不計閏月此服制也道家惟忌厭穢尸既收殮穢炁已隔則百日式假聽解穢入靖朝修服制自終三年舊儀大喪止一年既非服制之限不應廢缺朝修一歲之久如尸柩未殞寢處柩傍者不問日限自不應入靖也

暮喪一月解穢申牒如式暮喪不臨尸大功以下不臨尸並三日式假解穢入靖暮

功之外尸不當臨避之可也弔不可廢隨

即解穢沐浴關申合屬收復將吏一如常儀

出入過穢回壇淨身符

綱中 見朗多 三清玉勒 玄虛 日 太元 肅 光映九衝


八方威神 用天 靈寶符命 乾 使我自然 普告九天 軍

答那綱 新坎縛邪 中山 罡太玄 殺鬼萬千 神呪

元始 玄水洗穢 按行五岳 王文 却鬼延年 八海知聞

魔王束首 山穢蕩盡

三 侍衛表軒 道炁常存



焚符誦玉帝呪

神靈天真玉液玄津上清華房元始老君妙入太霞光耀玄文七神飛泉北鄴受煙我位上王辟合魔群八威吐火肅爾尊神千千去穢凶惡不存萬萬魔王保命護身急急如律令


右符玉帝訣三遍天門炁凡建壇並用酒壇二匝大凡臨喪家值厭穢或生產回壇急書此符燒灰調淨水取東炁入水服之

行道沐浴符

太上 真炁 陰陽 神燭 神水 流通 合明 旁靈

穢氣 清淨 無名 三尸 長生

與道
合具



沐浴三呪三呵攪水呪

全體玉律澡盥身形玄水洗穢清淨元神
七靈衛侍萬烝開陳志慕清虛列象玄明
急急如律令

上清靈寶大法卷之八

上清靈寶大法卷之九

樓一

洞微高士開光救苦真人竊金真檢
上清三洞弟子靈寶懺教嗣師五契真集

朝修懺謝門

柳髮呪

泥丸玄華保精長存左為隱日右為月根六
合清煉百神受恩

右呪畢咽液三過理髮欲向旺地能常行
之髮不落當數易柳髮之取多而不使痛
亦可令侍者柳取多方也於是血液不滯

髮根常堅

沐浴呪

天地開朗四大為常玄水淨穢辟除不祥雙
童守門七真安房靈津煉濯萬烝混康內外
利貞保茲黃裳

冠帶呪

今日吉慶上合帝恩塵濁已清尸穢沉寒罪
垢業厄表裏蕩清呼日吸月步躡九晨回旋
三台周遊五星佩符帶章鳳衣虎裙手執玄
文誦誦洞靈聲徹太霄五帝回軒賜我羽書

登升上清

服食湯劑仙藥呪

謹請五方五靈老君名出天醫扁鵲官吏各
五十人當令服藥身得離病病得離身駕
魁乘罡登升十天數由九地命祿俱榮長生
不死與道合并

呪畢面東服之

凡修此道誦誦玄文舉止庠雅動合威儀
若狂簡羸踈鬼神切笑三官司過相其失
規故示兆之齋戒科條既言道士者非道
士之模範不行凡言真人者非真人之規
式不集况學士乎

臨食呪

百穀五朱流入腸胃五藏安寧尸邪亡墜七
祖安寧長生久視

第一

呪訖叩齒三十二通咽液九過方食几午
前宜食酉時後勿食午前者天人食也酉
後者鬼魔脯也又臨食勿言死恐生疾病
也食物不久露恐邪氣來也故真人斷穀
入山求升仙之要矣